

# Die glans van die mens

## Die glans van die mens.

Die mens gee 'n glans af wat die blote oog nie kan sien nie. Sommige noem dit die aura, maar aura het sy ontstaan uit Hindoeïsme. Hulle praktiseer in die sien van die aura al vir eeue waarvan hulle hul gode aanroep tot opleiding.

Dit word ook gebruik in satanisme. Ek het 'n boek van oom Ben Maree waar hy in gesprek is met Phil Botha (Satanisme). Phil was 'n 10 de graad priester in die sataniese wêreld. Phil wat gepraktiseer het in die geestelike realm [*waar ons nie mag krap nie*] kon die glans wat die mens afgee sien. Sy erkenning is dat daar verskillende kleure is.

Kom ons kyk ligtelik na sy en ander se sieninge oor die glans van die mens. Met my ondersoek na die glansuitstraling (*wat die mens uitstraal*) het ek op die internet wêreld 'n draai gemaak. Die een is slimmer as die ander en val behoorlik oor hulle voete om te sê hoe jy die aura kan raaksien (*Wat dit regtig is, is dat jy met jou eie oë speel om sodanig die volgende persoon se aura te sien*). Soos ek genoem het lê die meeste antwoorde in Hindoeïsme om te leer van die aura (*Ek beveel dit glad nie aan nie, want ons word uit die Skrifte belet om te krap in die geestelike arena*). Met Phil se verduideliking oor die aspek het ek 'n redelike tevredenheid gekry nl.: Dat daar verskillende kleure is wat die menslike liggaam uitstraal. Jy kan die persoon se geestelike, emosionele en fisiese toestand daardeur aflei. 'n Kind van VADER gee 'n konings blou kleur, maar verskil in kleur met die verhouding tot HOM. Dit begin met donker blou tot wit blou. Die wit is so oorheersend dat jy amper nie die blou kan raaksien nie, en dit is die seuns wat baie na aan VADER beweeg.

Sommige draers van die blou kleur kry kolle in hulle glans. Dit is lig tot donker kolle wat voorkom in die glans wat die bewys is dat selle van die liggaam besig is om te sterf (*Die kolle kleur is gewoonlik bruin*). Hoe donkerder die selle, hoe meer selle het reeds gesterf. Die ontstaan van die kolle is gewoonlik tatoeëer merke of verdowings middele se naaldeprikke, maar dit kan ook kanker wees.

Dan kry jy ook dat 'n ander kleur wat die blou affekteer, soos rooi bv. As die persoon kwaad word begin rooi in die blou te voorskyn kom. As kwaad boosaardige afmetings aanneem kan dit die blou heeltemal oorneem. Ons sê baie keer dat 'n persoon geel is van jaloesie, wat in der waarheid reg is. Bruin kleur in die algemeen beteken dat die persoon met okulte, spiritisme, satanisme, swart toorkuns, ens. te doen het. Soos ek bo genoem het dat die aura niks met liguitstraling te doen het nie, maar wel 'n kultiese oorsprong het in Hindoeïsme, Boeddhisme en waarvan die Ha satan aanbidders ook nie eens van die woord aura hou nie.

Nou die ligglans uitstraling van die mens het grootliks met magnetisme te doen. As jy jou voete op 'n mat skuur en jy vat liggies aan 'n ander persoon kan jy hom skok. Daar skiet werklik 'n sigbare ligstraaltjie van jou na hom.

Baie joga beoefenaars (Hindoeïsme) laat die persoon plat lê en dan beweeg hulle hul hande net bokant die liggaam heen en weer in daardie uitstralings area om die persoon sodanig te help (beïnvloed). Volgens oom Ben kan die glans bespeur of waargeneem word deur Kirlianfotografie.

Kom ons kyk wat sê die skrif vir ons rondom die vraagstuk.

*Dan 12:3 En die verstandiges sal glinster soos die glans van die uitpansel, en die wat baie tot regverdigheid lei, soos die sterre vir ewig en altoos.*

Ons lees van glinster en glans wat uitgestraal word.

*Ps. 89:45 U het aan hom sy glans onttrek en sy troon teen die grond neergewerp.* Ek weet dat hier verwys word na sy eer, maar tog is die woord "glans" gebruik.

*Ps. 145:5 He. Ek wil spreek van die glans van u skitter majesteit en van u wonderbare dae* (Weereens soos bo, die erkenning van glans).

*Jes. 60:19 Die son sal bedags jou lig nie meer wees nie, en as glans sal die maan vir jou geen skynsel gee nie; maar YHUUH sal vir jou wees 'n ewige lig, en jou Skepper sal jou sieraad wees* (Watter vreugde, dink net daaraan dat YHUUH jou glans is).

*Eseg. 10:4 Toe het die lofwaardigheid van YHUUH van die gerub af opgestyg oor die drumpel van die huis; en die huis is gevul met die wolk en die voorhof was vol van die glans van YHUUH se lofwaardigheid* (Watter ontsettende gesig moes dit nie gewees het nie).

*Gen 3:11 En Hy sê: Wie het jou te kenne gegee dat jy naak is? Het jy geëet van die boom waarvan Ek jou beveel het om nie te eet nie?* (Dus moes hulle beklee gewees het met die blou glans waarvan daar ewe skielik na die seksuele daad kolle of 'n ander kleur ingetree het).

Glans is die uitstraling van lig, maar tog swakker as skittering. Ieder en elk het 'n glans, maar as jy lees in die Skrifte van engele of ander hemel wesens was hulle skitterend blink. Hoekom, omrede hulle van YHUUH is. Kyk na Moses van ouds. Telkemaal as hy in YHUUH se teenwoordigheid was het sy gesig gestraal. Dus gee ons 'n glans af, maar dit is so dof dat die menslike oog dit nie sommer kan sien nie. Volgens Phil wat wel die kleure kan sien kry die seuns van VADER 'n blink kol op hulle voorkop wat wit lig uitstraal.

As ons weereens na die Skrif kyk dan sien ons dat die son nie meer nodig gaan wees nie, want die lig straal uit VADER SY Seun so ook uit SY engele en SY aardse seuns. *Open.21:23 Matt. 3:11...Hy sal julle doop met die Rein Gees en met vuur.* Watter vuur word hier uitgewys ?

Die vuur wat uit die voorkop van die uitverkore straal ? *Open. 7:3 ...Moenie die aarde of die see of die bome beskadig voordat ons die diensknegte van onse VADER op hulle voorhoofde verseël het nie.* {9:4} Dus gaan die verseëlde die wees wat met vuur gedoop gaan word soos deur Johannes die Doper voorspel was.

Daarom moet ons strewe wees om na aan YHUUH te lewe tot Sy "GLANS"